





凡志府縣山川浦墅橋梁樓觀非獨名其地因其
人名人所得名以其言岳陽黃鶴南池敬亭名至
今如新此何哉吾友查客居松江松江名區又生
名人負異才工賦詠澹然仕情樂其鄉不復遠游
筆牀茶具往還泖澱間所觸必以詩曉市夕岫波
生木落舟輿所經文酒歌哭所在必撫極情景如
汎黃浦題龍門寺上橫雲山遠弔昔賢之經國風
涇舟中諷羅御史東城門樓美金提督與夫觀海
過閘慨然從政之不易坐情話樓展落烏潭新阡
可以教孝過落北邙登一覽樓可以作忠張垵懷

宋高宗賜吳武安手勅棕花閣觀陳宗淵九
會圖使人知好古曰商榷集者取陸士衡吳趨行
商榷爲此歌詩皆五言簡而核執筆者便於志也
士衡昔生其鄉不幸處濁世任宦任軍旅卒有鶴
唳之悲今查客爲名臣子才高而慮澹生逢太平
自稱釣師歌詠紀述文可行遠有詩則查客名有
查客其地都可名天下佳山水方待查客名精神
搏激靈采發越孰使老一鄉也康熙己卯夏五月
匠門張大受日容書

余少有四方之志嘗聞古人州有九游其八嶽有
五登其四輒欣然慕之長而從師上會稽探禹穴
中更患難訪友七閩過大梁而思信陵登燕臺而
弔望諸卒無所遇而歸爲鄉里所詬誶意忽忽不
自得乃爲汗漫之游東登秦岱南至衡山西上峩
嶺中游武當浮沅湘度五嶺如是者幾二十載所
未至者秦晉滇黔耳憶甲寅春余自楚歸復將入
楚會太常高公自蜀來亦將適燕相遇握手敘親
串述旅思畱連者久之賦詩贈別有漸離擊筑王
粲從軍之句余以淑裝匆遽未暇報章也竊心恐

焉至楚一載崎嶇戎馬不勝况瘁遂拂衣歸日而
公方入金閨躋九列鬱然負公輔之望余不幸嬰
疾瞽眙蠖伏草間不能少申倡酬以繼夙好而公
已忽歸道山矣嗟夫人之云亡邦國殄瘁思欲與
公談山川之勝遊悅親戚之情話豈可得哉嗣君
槎客天才揆藻逸氣橫秋奉揚遺書光昭大業著
述之盛溢於緇素彼都人士莫不敷衽慕義奉爲
國琛君以岵屺興悲棲遲鄉井登臨所至感慨係
之則一發之於詩其爲詩也本原六藝游泳三唐
詠風物則文而不靡指時俗則質而不儻風刺之

意微而彰憂閔之情隱而摯美哉其風人之遺乎
夫子建咸京之作仲宣灞岸之篇皆以故國故都
形諸吟詠而况近念維桑遠觀淺水者哉此亦采
風者之所宜上陳也余也汗漫之遊幾半天下而
獨於故鄉山水遊覽未遑今且荏苒老矣讀君之
詩爽然自失矣宗少文有言老疾俱至名山恐難
徧觀唯當澄懷觀道卧以遊之異日者君將纘承
前緒經營四方輜軒所指周道如砥將無顧游子
之餘蹤而思平生之言乎或以謝屐之所未至而
笑余之藪澤乎抑亦憐少文之老疾而代爲之卧

遊也當必有斐然成集以繼龍門之作者惜乎余
不及見也因讀是編聊識數語以爲前驅云爾輒
川王湮序

山川都會物華之美賴詩人而著十五國風勝於
十五國史十五國史莫傳而詩則傳嗣後陸平原
詠吳謝康樂詠越俱足黼黻一方矣華亭高君查
客詩才峻潔冰雪珠玉不足喻也扁舟出游動成
篇什錄數十篇見示且俾爲序予受而讀之城邑
邨聚丘壑林樾宛然目前及再讀之而知君有憂
民之心非僅景物娛目已也其於羅侍御也諷以
封章見恤夫松郡不過元初一縣耳改名爲郡地
不寸益而賦稅增至三四倍民力竭矣舉世莫恤
而君獨憂之且以君之貧不求齟使分橐而與言

一國大計曾次去人遠矣滌闕觀海則以預防爲上策夫滌闕在成弘間海患兩見漂沒數萬人田廬沉陷無數必欲預防宜倣鹽官石塘之制然孰可上書請帑乎君所以惓惓於達聰也君同學倡和非一人乃附見集中者有取於朱上舍龍舟一篇正以諷諭深切有關政務豈獨以文采爲貴哉然則平原康樂不過爲一方黼黻而君且爲五穀爲棟宇爲藥石殆賢於陸謝矣同里吳騏序

昔豫章左克明編次古樂府十卷其註吳趨行曰舊說吳人以歌其地陸士衡楚妃且勿歎是也不騫不敏乃亦生於內史之鄉竊見山水具在井社孔多釣游所至歌詠時作唯是去古旣遙不復學爲五言古詩聊引杜子美登兗州城韓退之宿龍宮灘體例共成小律百餘首題曰商榷集者原本士衡之義自明窮紀之難也噫此地自晉迄今以文物財賦擅名寓內數百餘年而求其所在城郭村聚山陬海隅之槩約略集中亦已過半至於是集之成不過四三年其間旱潦之殊光景之異已

非一端深恐自茲以往或又歎此時為難得遂因
王澐吳騏二子之言付諸剞劂以傳於世世之君
子覽是集者其亦因詩以思其地有感於予言也
乎康熙三十有五年歲在柔兆困敦則陽之月既
望蓴鄉釣師高不騫查客自序

商榷集目錄

卷一

雨渡斜塘

風涇飲羅御史舟中

萬安橋暮歸

曉入白燕菴

過瑤潭登水明樓

經馬嶠寺廢址

過白沃廟

泛月南泖

阻風泖橋上澄鑒寺

登齋上人鄰虛閣

東郭草堂讌集

遊干山

至小山赤舄下

上橫雲山

小崑山夜坐

自機山經平原邨

送從子移居尤墩里

過沈處士棕花閣

夜渡薛澱湖

入松江

月夜泛舟秧田湖

朱家角

看竹龍門寺題壁

瘦影軒看紅梅花

早春東禪寺

過林上舍太虛草堂

入許司臬環谿山莊

東城門樓眺望

重過王副相賜金園

泛黃浦

題王尚書秦望山莊

後遊宴春浮書屋

艤舟亭林湖從寶雲寺取徑登讀書堆

過王武庫盟鷗草堂懷舍弟柘瀝邨居

小橫潦涇謁外曾祖母徐宜人墓

遊葦菴

題吳少尹問酒廬

莘莊謁春申君廟

卷二

望湖涇訪吳處士

滌缺墩觀海

莊行曉發

南橋夜泊二首

閔行渡書懷

閘港口候潮落

次上海

觀祠部叔祀天妃宮

泊泗涇

伏日憩無量壽佛菴

過張孝廉藝園

入普寧寺觀黃耳冢

集曹上舍南谿草堂 宿李塔漚

得白鷗池雙鯽 過朱上舍交山堂

曉行柘澤橋下 夜泊黃渡即事

荅蓮生菴昧上人 遊法忍寺

集張上舍祖德堂 題吳處士青苧亭

過東鄰春雨一家邨 七寶寺感興

遊龍華寺 次青浦

曉發北泖遇風 董進士光復堂話舊

過沈庶常雙杏草堂 集王明府來鶴樓

顧園同錢處士 入普照寺峰上人房

泖口邨居得鮮鱸魚饋張明府寓齋

梅花書屋感舊 歲宴過庫公山

抵鳳凰山下 發冷水灣陟斡山

題姚叟雪滿山房 寄新塲葉上舍

題王學士宜園 集徐秀才明善東堂

陪許贊善坐情話樓 神山逢冲陽道人

次佘山 集陸御史老是菴

雨度薛山 經江秋潭

舟中望盧山 楊少尹守清白堂成

題王少尹岫雲堂 雨坐來青樓

卷三

拜埽落烏潭上新阡 重經松隱

頤浩寺燈上人餉蓴 塘橋觀漲

午日抵暮至白龍潭留朱檢討止宿二首

經青龍鎮 安莊雨泊

渡澄照埕院 桐軒晚坐

杜樹菴逢支上人 吳滙觀潮

烏涇尋黃母祠 乞露香園水蜜桃栽

一覽樓登高 寄王處士康園

劉遊擊倚劔堂賞菊 題瓢湖秋泛圖

集曹處士臨谿書屋 觀小蒸里曹知白畫

題陸上舍對一峰閣 過宋典籍青邨草堂

過錢上舍高橋里居 過閘

趙屯橋寒望 雪夜由歸涇還

送沈處士歸梅花原 宿皇甫林

鍾賈山道中 登澱山

過文上人木蘭山房觀宋搨蘭亭集字二首

秦山對酒 晚度張堰

遊查山 過落北邨楊編脩宅

登金山衛城望金山

商榷集目錄終

商榷集卷一

雨渡斜塘

華亭 高 不騫 查客

南浦西連柳相看劃此滕落潮三面入設險一隅
稱風埽虹皆斷雨飛魚可曾輕舟常穩渡忠信好
還憑

風涇飲視齋御史羅公密舟中

舉代瞻持節終朝罷算緡重移青雀舫小醉白牛
津此地判江浙吾鄉屬苦辛歸 朝有封事見

恤莫因循

明初橫加袁瑞蘇松數州田賦 國朝雖有 旨核減
然吳地格於部議至今相仍清風涇一名白牛涇居松之上

鄉視鄰邑嘉善
賦額較重也

萬安橋暮歸

湖水西南下海潮東北還衆流奔直道兩岸東潺
湲紅板皆疑動烏篷獨去閒須臾塘口出趁月辨

羣山

嘉興李徵士良季有華亭道中詩自註云泖水出萬安橋下舟從
西來候潮落始發其詩附錄於後

斜陽一片旅程遙貫酒卮旗次第招也有鱸魚寒出網曾無烏鵲歲
填橋下年泛宅東西路午水攔船上下潮坐憶九峰蒼翠裏故人高
適夢
迢迢

曉入白燕菴

袁御史凱
讀書處也

海叟讀書處茅菴留水涯暗風牽荇帶重露落松
釵白燕傷心獨黃鸝迸淚皆月兒高一曲狂態不

勝懷

同從兄

懿炯

過瑤潭登水明樓

先從高祖吏部
主事士別業也

司封築小墅去郭取西邨潭水彼時滿岑樓異代
存優游經二老

禮部尚書陸文定樹
聲莫方伯如忠也

臨眺及諸孫不易三

花瑞畱詩尚在門

附陸樹聲詠高吏部園牡丹一莖三花詩春向瑤潭逞艷陽名花疊出
殿羣芳乾連鼎詩文明代奚翅魁三映錦堂

莫如忠詩芳菲莫怪萬人誇管領風光獨爾家世瑞只聞蓮竝蒂今看
三萼牡丹花

先從高祖詩年來丹竈不無功一氣甬三訝許同日遶花間看不厭錦
幃脈脈醉春風

經馬嶠寺廢址

由來北禪寺名自馬嶠僧雨後一谿濯風前雙樹

凌軒窗存有數門逕覓無憑獨立清陰外看碑感
廢興

八月十五日過白沃廟

今譌為白骨廟

故事俞塘北相邀賽史君管絃逢素節祠屋敞斜
曛駐馬神如在為魚勢稍分只今石湖畔水盡復
塵氛

是夜泛月南泖

貧居輕冷節乘興有漁舫獨擁三秋月坐觀五夜
濤連延白鷺起蕩漾彩蟾勞試問南樓客吾寧羨
汝曹

阻風泖橋因上澄鑒寺

到此石尤急愁人日夕聽江濤喧六派舟楫斷雙
涇寺隱竹陰綠山延泖上青殺風須密雨孤坐想
冥冥

登齋上人鄰虛閣

在瑞應
教院中

茅齋新句在土室妙香聞今見齋公閣超然勢入
雲衆緣歸寂照一氣接清芬獨許海天鶴有時吟
對君

東郭草堂讌集

孫漢陽克弘所築在禮部尚書文簡承
恩舊第之東又名為東皋雪堂庭列五

峰聽雨軒在其
北畫壁尚存

晴川放歸櫂攢石徙雲根公子風流最郊扉勝槩
繁初筵今夜秩老屋百年存壁畫饒能事浮嵐撲
酒樽

游干山一名天馬山

卓立諸峰表秋晴翠可鑱偕游催上鷁相顧儼
颯颯颯絕頂遠湖出浮圖返照銜干將疑不泯
劒氣薄松杉

至小山赤壁下

為愛小山好拖筇幾度來天懸孤嶂闊水劃兩峰
開夜色同清旭秋容老劫灰何時有新句昂首破

莓苔

社日上橫雲山

一峰列如畫嘗作黛眉看忽訝林亭迴俄生洞壑
寒日臨輕燕去水靜老龍蟠歎息年來早無人祀

碧壇

白龍洞下有祭龍壇宋皇祐中浙西旱蝗華亭令吳及
禱於此蝗不入境錢提舉惟善有橫雲山詩附錄於後

兄弟詞華不世逢青山相對若為容洞門深鎖壘
巖溼猶指空壇祭白龍

小崐山夜坐

此夜崐陰棹無風吾自過側身取微徑散髮得陽
阿耿耿星河近茫茫霧樹多把詩憐內史去就竟
如何

陸機贈從兄車騎詩云鬢髮谷水
陽婉變崐山陰蓋有懷土之意焉

白機山經平原邨廻舟

儒雅嗟何在登臨願不違
葉紅將沒屐嵐翠遠侵
衣風磴移時坐煙邨際曉歸垂鞭亂山裏自覺舊
游非

從子德業移居尤墩里詩以送之

南北東西路清清憶舊游
尤墩書布面是處綴檐
頭凝目牽鄉思廻腸減客愁
未知今日到杼軸照常不

過沈處士楫棕花閣觀所藏陳宗淵畫九

日讌會圖

文帝巡游處吳興擢記言良辰萃簪紱禁直許琴
尊勝事遺前史珍圖託遠孫小樓張看日守護信

乾坤

處士為學士度八世孫圖方二尺與會諸
公詩環列四旁有序橫其上附錄於後

左春坊中允鄒緝九日讌會詩序北京古幽燕地召公奭之所封在焉
元有天下嘗建都於此聖上龍飛嗣大位以是為潛邸舊封肇建為北
京行都山川之雄壯屹然與南北相望今年永樂七年三月聖天子樂
四方之太平舉巡幸之盛典六宮百司寺從之臣等扈從以來其秋七
月予亦被命召赴行在相與俱會於茲於是九日屆候秋高氣肅而諸
君子之懷思欲有所暢乃以其月九日會讌於翰林之公署學士胡君
光大右春坊論德金君幼孜以茲會之不易得也取杜子美九日藍田
崔氏在詩中聯為韻俾在席者各賦之凡十有四首修撰沈君民則類
為一卷欲予序其端夫樂其所樂者士君子之志也予與諸君皆托職
詞林既忝扈從徵召之榮又因得以覽觀山川之奇勝感皇上之寵恩
處職事之優游佳時令節能以遂其樂於此而從容談笑之間又足以
快一時之高興其幸會為何如哉宜乎諸君子之作大篇短章鏗鏘全
石紀述賦詠非他司之所能有也序而識之以見當時之盛而凡得與
斯會者他日亦行所徵云

胡廣得藍字重陽把酒樂清酣遍插黃花共笑談此會親知皆客裏北
來風景似江南莫驚短髮仍吹帽且得佳時屢盃簪最是登高何處好
西山晴望碧于藍

金幼孜得水字良辰不再至流光疾如駛我行忝扈蹕三時畱帝里倏
茲屆重九朋從比皆客子邀我開清燕烹羔膾鮮鯉時蔬閒棗栗布列亦
盈几紫萸泛新酒馨冽勝臘蟻喧呼熱中腸笑談忘鄙俚酣歌引長劍
先芒照秋水仰視天宇寬商飈颯然起候燕戒新寒霜菊猶含蕊遙岑
晚逾碧西山淨如洗登高諒非遠騁望增懸企幸茲會文飲勸酬助深

羣公爛詞藻清芬播蘭芷願言寫衷素抱拙慚專技

彭如器得遠字幽懷久不寫對酒忽自遣盃筵有談諧行爵遞回轉霜
前黃菊鮮雲際青山遠撥芳侑獻酬畢景謝游行路寒江欲空鴈度秋
將晚牛山感已深彭澤興非淺憂歡竟何情千載成一莞所思樹功勳
垂芳以為勸

鄒緝得從字西垣開遍菊花叢佳節仍看此日逢公館一杯消旅况宦
情千里托萍蹤鴈行背冷秋將盡物色驚寒晚正濃應是羣公有高興
登臨不惜更相從

李賈得千字萬歲山頭秋滿天黃金臺畔客多賢登高共愛逢重九斗
酒何嫌更十千塞鴈隨陽南去早籬華冒雪北來鮮良辰此會須乘興
盡醉西風帽落筵

沈度得澗字杪秋雨初霽佳辰旭始旦屆茲登高節錫假事羞饒幸陪

金閨彥盛集遂良願前楹具尊罍中廚出羔鴈紫萸錦囊鮮黃菊金英
燦笑談縱諧謔寧愁歲華宴天風振長裾醉舞霞景爛伊昔未彈冠考
槃猶在澗及茲際登庸通籍廁清宦所勉樹勳名何慚近霄漢

曹啓得落字朝廷事巡狩車駕省方嶽舊封屬堯冀新邑擬周洛壯夫
備干城髦士侍帷幄幸因退朝暇聊遂盍簪樂維時肅霜露涼氣滿郊
郭畫蠅息紛擾宵蠟斂毒蠱高梧振脫葉叢菊破新萼葶收御金候無
射司律籥九日倏云至羣公方會釀朝紳秩初筵官署蔭華楠山果梨
栗具澗實菱芡剝庖霜鱸膾登翻雪蟹螯斫搗黃橙滿案佩紫萸盈握
累觴遞獻酬促席恣歡詭扶奇窮突與搜古騁雄博氣宇豁騰騫詞峰
相倚角驪珠吐光皎龍劍露鐔鐔鐔鐔青雲浩湯瀉奔壑擣章富文
采攄抱謝表褻褻余比樗櫟厠跡充館閣載筆青禁待漏聽晨鑰優
游地清嚴黼黻才謝薄蹤跡誰轉蓬悃悃願傾藿幸刀扈從榮苦乏經
濟略宦路快鵬奮羈輟慙鮒涸彙征遭盛時旅進沐優渥矧茲值佳節
相與共芳酌寧期白衣來且任烏帽落忝陪席上珍細和郢中作毋徒
陋孱頑持以藉龔斲

余鼎得玉字都城杪秋金氣肅陌上微霜散晨旭碧空歸鴈度桑乾錦
樹寒林接桃谷忽臨佳節動遠懷還上高臺縱遐矚食餌曾看載周禮
戲馬誰能狗齊俗同袍總是瀛洲仙共荷恩光隨輦轂莫將往事談吟
帽漫秩華筵歌伐木滿頭笑插茱萸紅開尊喜泛葡萄綠當筵意氣凌
煙虹臨風吐未玉交游冰重誼千金劇飲能消愁萬斛東家高宴

粲羅綺西臨清
醉興未闌史倚西風看佳句
王英得山字龍墀曉漏遙
看秋色蘄門山天連遠塞孤雲度水落長河一鴈還誰道盍簪俱在客

且將歌舞對朱顏
許鳴鶴得高字良辰佳宴會盍簪萃時髦爰采籬下英泛此尊中醪列
席敞華宇登庖薦肥羔商飈激林薄白日下午亭皋晤語罄宿昔摛詞凌
風騷清響靡絲竹幽觴多蟹螯勸酬未云已酣歌一何豪盛時諒難遇
嘉會寧易遭寂寞戲馬臺蕭條龍山高不見昔人懼聞秋鴻嗥即此
不為樂役役嗟徒勞

黃約仲得竝字不慕孟嘉風詎羨陸灌興屨軒坐
時共高宴朋酒芳尊竝微雨颯已過叢菊開方盛醉襟散涼颺烏紗還
自正豈徒樂獻酌且復諧賦詠蟬鳴黃葉稀鴈度碧空靜城闕澹餘暉
浩思殊未竟幸叨扈蹕榮再覽北都勝遠大以為期鬢霜照秋鏡
陳敬宗得兩字義娥無停馭寒暑遞來往重陽忽已臨斗酒共歡賞高
論恣清狂劇飲競豪爽意氣輕千金奚用較銖兩為樂能幾何塵累成
鞅掌唯有柴桑翁高風後人仰

倪維哲得峰字旅館秋深思萬重偶因佳節得從容尊前有酒須拚醉
海內相知不易逢太液波光涵曉日蓬萊樹色靄晴峰羣公對此歡無
極何必登高散遠蹤

羅汝敬得寒字玉堂相聚總儒冠九日開筵各盡歡綠酒且拚今日醉
黃花不似故園看蘄門鴻鴈清風冷太液芙蓉白露寒華髮高堂千里
外每因時節思漫漫

夜渡薛澱湖

古廟依隕岸孤舟闖碧濤天低煙幕歷浪走月浮
沉魚浦宵嘗濟蓐羹秋不禁倚舫欣獲此長笛按
龍吟

入松江

禹迹由來遠平川下急湍力排滄海入痕減太湖
寬蘆荻搖秋影鷓鴣汎曉寒小舟傳范蠡蠶竝載出
江干

月夜泛舟自西秧田湖入東秧田湖作
桂檝聊乘興秧田各占名露添秋夜重月入此中
清白鷺雙雙立斑魚隊隊行飛仙差可挾何必定
蓬瀛

朱家角尋陸孝廉 慶臻畢上舍大生不遇

暗水交流處曉霞爭渡時地當湖一角邨在縣西
枝畢卓記曾卧陸雲應有詩何為俱不見倚擢此
銜思

看竹龍門寺題壁

傳聞元日守常此宴儒生直道古來尚前賢意不

輕經過見叢竹結構失層楹賸有廉夫句吟安飛

雪聲

寺中舊有聽雪軒楊提舉維禎聽雪詩月明
蟹過銀沙岸風細魚沉玉海波得句於此

小除夕過萬尋瘦影軒看紅梅花作

聞道庭梅發來過為討春籬
虎吠迎客野鵲噪隨人雪意凝香淨霞光引望新
微軀先紛蝶特地遶花身

早春東禪寺

舊名寶勝每歲有司迎春於此

禪宮開寶勝春自此中來每遇青旂引旋占珠斗
迴亭猶堪想像殿且就塵埃幸近仲容宅扶持力
大哉

寺中故月清溪直下松為之記殿宇將
傾逢家編修里資廿六僧千金重建

過杯上舍子太虛草堂

已輟漢南權仍開巷北堂棗香新史席上舍歸自荊州為蔡總督毓榮

輯通鑑本末紀要鐫板堂中草綠舊文場尊人貞文先生希顥與陳給事子龍夏考功允彝諸君子纂壬申文選於此

鎮日爬梳歇臨風感興長當年爭結社節士屬吾

鄉

郊外逢周洗馬金然邀入許司臬續曾環

谿山莊

乍識堂臨水遙看柳插天得歸應有助為樂乃居

先研北饒書帙又頭足酒錢落成無我輩却少和

歌傳司臬歸未一年而滇南告變為園特早時提督王公永譽在鎮集諸公賦詩落之

附王永譽詩幾年戎馬愧勞勞此日欣承折簡招俗客豈能酬雅集名園端可避塵囂采山釣水疑磐谷嘯月吟風愛午橋只恐蒼生望霖雨謝公未忍竟逍遙

清明日上東城門樓眺望美提督金公世榮

照眼春塘水茫茫到此門傍橋橫素舸背市只荒

邨爛漫桃千樹參差竹幾園軍麾逢鎮靜便是武

陵源

重過副相王公鴻緒賜金園

恩與為園處林丘吾舊諳長廊盤嶺上精舍枕池

南花重春紅亞松深晚翠合往來東第近改席恣

登探

江黃浦

證古東江似呼名申浦昭日斜光灑灑風斷勢迢

迢估客通羣島耕夫沃兩潮土風相襲朝夕兩信皆呼曰潮沿洄思夏

傳治定自前朝戶部尚書兼太子太傅夏忠靖原吉開范家浜引浦入海至今三百年更無壅塞之患也

題王尚書藻秦望山莊

計相乞歸後結廬能遠囂秦山正當戶黃浦曲通

潮草樹人頻訝巖潭景自超藍田別墅外勝絕到

今朝

後游同諸子讌春浮書屋牡丹花畔

勝引逢花候輕帆進麥風通林凝水碧照席聳鞞

紅絲竹聲相間壺觴意不窮從今願安石為我且

山中

艤舟亭林湖從寶雲寺取徑登讀書堆顧侍

郎野王遺迹也

希馮不可作臨眺一含情斷碣符僧夢通林荅梵

聲艱難思往事枯稿感吾生翻遠染凍際窗書抵

百城

過王武庫廷機盟鷗草堂懷徐臨城賓

小築烏衣外栽花密作行逢春圍冶態乍臘散寒

香招鶴北無謝盟鷗堂登車徐孝穆輸爾占

滄浪

懷舍弟馭結婚周上舍綏拓瀝邨居

昔觀貢禹論贅壻漢時輕嗟汝貧無那橋東一舸

行南橋也小堂臨岸迴曲水到門清夢裏周顛宅經

春空復情

小橫潦涇謁外曾祖母徐宜人墓

先於民部沒外曾祖忠介先生嘉脣官戶部主事茲地自為墳子母許相

傍壘麓遂不分外祖太學欽典外從祖孝廉貞定先生欽章附焉長貧疎宰樹舊

德浹鄉粉貞定先生嘗助妻縣李公復興為均田均役之法以蘇民困行潦嗟徒薦其如

表墓文

游葦菴

籬落門仍迴城隅徑不凡翠筠千个遶白水半規

銜結宇傳張鼎吏部侍郎分鐙從笑巖一花五葉後此

種莫能芟

題吳少尹三省問酒廬

五斗開雄辨三杯傳草書昔人盼此物我輩將何

如展席情偏劇探囊恨有餘西家憑借問一醉勝

吾廬

莘莊謁春申君廟

何年楚子有廟俯莘籍籍聲名久厭厭氣象

商榷集卷一
一
低鳴鳩山座右行
上待題不及吳趨里雕楹春
賽齋

商榷集卷一終

